

17 L

Ca. 400.



**Spiegel der vn
fletigen zunfft / Inn die
form einer Tischzucht / verkerter welse /
gestelt / Jungen vnnnd Alten / sich
darin zu besehen / Vez widerumb
in Truck verfertigt.**

Joanſim Alonide est poffor meus



**Getruckt zu Franckfurt
am Mayn.
M. D. Lxi.**

Faint, illegible handwritten text, possibly bleed-through from the reverse side.

2/19



AB:
154204 (1)



Die verk. Tischsuche.

Tisch sucht der vnerzogen kinde
Darin man manchen vnflac
finde

Den die vnzucht ist angeborn

Die seind hierin all auß erkorn

Besser wer sie thetens nie

Weil aber sie ihr böser sie

Selbs anzeigt vnd bringtan tag

Scham ich mich nie dz ichs auch sag

Vnd wil hienit euch zeygen an.

Was mancher grober vnflac kan

Mein tisch sucht solt also verstan

Wan du zu dem tisch wilt gan

Werd mich hie recht mit ganzem fleis

Dein hend solt du nie wäschen weis

Mit fleis halt auch den hoff sitten

Dein nigel vnabgeschnitten

Darzu nim gar eben war

Das vngelempfe sei ganz dein har

Vnd ganz vnd gar vol federn hang

Ein rok sol hangen an deinem wang

Du solt dich auch fleissig vben

Das deine augen wol mit griben

Sein behengt vnd auch gezirt

So jemandts darumb reden wirdt

Die verfert

Dem solt kein gut wort geben
Du solt darbei auch mercken eben
Vnd merck hi recht auff mein lar
Der besten stat nim eben war
Das du mögst sitzen; vnd keinen ahn
Beide arm auff dem Tisch mögst han
Bis zu dem ellenbogen auff ligen
Vber Tisch sei auch nie geschwigen
Wann man benedicite betten wil
So mach du bald ein ander spil
Ein groben bossen bringe auff d ban
Damit das betten solt vnder stan
Zu hindern / fahe bald an essen
Der lehr solt du nicht vergessen
Hab fleiß vnd merck mich eben wol
Wann man die suppen essen sol
So greiff nach den obersten schnitten
In der schüssel bis in die mitten
Damit so schmir du deine schlunde
Vnd dan mit vngewischem munde
Nach dem besten drinck schir greiffen
Darauf soltu gar herlich pfeiffen
Bis das dir deine augen rinnen
Vnd nicht mer athem magst gwinen
Dann setze das drinck geschir nider
Vnd fahe deinen athem wider

Leg

Tisch Zucht.

Leg dich auff den Tisch hab eben ache
Wan man her drag die ander dra che
Zum ersten solt dus greiffen ahn
Ein kleins stücklein nim daruan
So kanst bald wider in die schüssel kom
men

Dan ein groß stück für dich genommen
Es mangel hernach an wem es wol
Allein schaw das du werdest vol
Wann man ein drache ehut einher dra
Die dir nie gefelt so soltu sagen (gen
Stwan von seltsamen sachen

Oder dich zum drinckschir machen
Vnd drincken auß bis auß den grunde
Hüt dich vnd wisch nie deinen munde
Ob er gleich ist geschmukt vñ geschmirt
Das selb dein tisch zucht gar wol zirt
Mit fleiß hab acht ober dem tisch

Wan man her dregt gut kleine fisch
Als dann seind die gründelein
So greiff mit deinen henden drein
Dn zal so schieb sie ein gar bald
Ehe das die fischlein werden kalt
Schaw das dirs halber zu gebüren
Gott geb wer darüber zürnen
Kommen dann her auff den Tisch
Von andern drachten gute fisch

Die verkert

So soltu dich gar bald schicken
Am karpffen nach dem kopffstück
Darauf soltu die zungen nemen
Du darffst dich auch gar nit schemen
Vom ol zu nemen das mittel stück
Das selb gar bald für dich rüct
Die leber vom ruppen vnd vom heche
So man die selben einher dreche
Nim baldt zu dir vnd scham dich nicht
Am salmen ist der beste schnit
Die federlein der thu dich fleissen
Vom barben soltu zu dir reissen
Wie man sagt das barben meulen
Bracht mich vmb ein guttes geulen
Von frebsen nim vngeser
Die grösten/ vnd behalt die scher
Das du hernach auch hast zu beissen
An brotsfischen soltu dich fleissen
Zu nemen oben an dem rucken
Vnd auch von innen auffer zucken
Was guts gefüllet ist darein
An backfischen laß dir beuolhen sein
Die stück zwischen kopff vnd schwanz
Denck vñ versihe auch nit die schanz
So man daher dregt das gebraten
Solt du dich mit dem ersten beraten
Vom

Zisch Suche.

Vom besten so du es kanst finden
Es sei von hirschen oder hinden
Es sein vögel oder ein rephun
Das best solt für dich legen thun
Den nieren auß dem braten schneid
Den besten schnit zu rechter zeit
Thu auß der gebraten kalbs brust
Damit hab auch ganz deinen lust
Schick dich vnd sihe eben drauff
Ob etwas guts noch ober lauff
Vom braten das steck in dein waschen
Dz du hernach auch habst zu naschen
Wann du wider gest zum wein
Du solt dich auch schicken drein
Wan man her dregt kes äpffel biren
So soltu deiner veller zieren
Mit dem besten das drinnen ist
Du solt auch brauchen disen list
Wann man den kes auffheben wil
Auffs grosse drinck geschir du zil
Das selbig soltu drincken auß
Darauff halt dann ein gute pauß
Vnd reusper dich recht als ein schwein
Ein grölzer sol dein gratias sein
Zu man ein frischē trunck einschicken
So soltu fleißig darnach dencken

Die verkert

Das der erste drunck werde dir
Als dann so mach das drinckgeschir
Lehr bis zu dem halben theil
So zeugstu recht am esels seil
Fragt dich jemand so schweig stil
Vnd schwetz sunst immerdar vil
Ein lügen vmb ein wort nit solt lassen
Vnd thu dich aller warheit massen
Vnd laß niemant haben war
Fal im ehe in das har
So würest von jederman gepreist
Wan man dich naches schlaffen weist
Solt du dich ganz an niemant keren
Er sei gleich grauen oder Herren
So leg dich auff das beste beih
Ob gleich ein ander darumb rede
So spricht es kost mich auch mein gele
Vnd wen es hie nicht wol gefelt
Den laß ich zürnen wie er wil
Des morgens nim dir auch ein zil
Zu schlaffen recht vnd wol auß
Auff neun vhr sey dir dein pauß
Dann stehe auff vnd thu dich an
Den tag solt vngeneßtele gan
Nit soltu machen schwarz dei schu
Ein zerbrochen scheiden gehör darzu
Auch

Tisch Zucht.

Auch ein wehr die sei verrost
Vnd wan du dann das alles hast
So sihe dann auch ein andern an
Ob er nie etwas an inn han
Das dir an jm recht wol gefale
Das thu du dich auch fleissen balde
Es sei mit koxen oder farken
So dir dein ars also thut farken
Soltu des handel selber lachen (cher
Vnd spricht ich must ein bossen ma
Euch herrn hic machē ein guten rauch
Wers besser kan der laß sich auch
Hic hören/ vnd thu auch das best
Es mühe recht wirth oder gest
Wie schwegen soltu dich nicht saumen
Du darffst dich keiner lügen schamen
Man findt nach andere stücklein mehr
Die auch gehören in dise lehr
Die selben gib ich dir zu bedencen
Vnd wil dir dise tischzucht schencken.

Die verfert Beschluß.

Auff das jr nun recht möche verstan
Nach wem ich hie gerichtet han
Die Fischezucht jez hie vor gemele
Recht grob vnd vngeschickt gestelt
Es ist geschehen der gestalt
Auff das ein jeder für sich halt
Solch vorgemelte vnzucht gar
Wirt er sich finden an der schar
Ob es nit ist in allen stücken
Laß er sich doch auch fürer rücken
Kleine stück machen auch zu schanden
Zu zeitten kompt ein vnderhanden
Daß er auß einer gewonheit thut
Oder auß vnuerdachtem mut
Das im nit wol ansteht
Des er auch billigen abgeht
In summa die Fischezucht ist geschriben
Von stücken die da werden getriben
Von leuten grob vnd vnuerstandnen
Der finde man vil in allen landen
Die jugent ist jez vngезogen
Das ist sie nit ganz angeflögen
Sie lernen es wol von den alten
Dann wie sich jre ältern halten

Die

Tisch Zucht.

Mit vnzucht vnd mit groben worten
Also thun auch an allen orten
Die kind das macht man straffe sie nit
Es ist ein gemeiner hoffsie
Fluchen schelten vnd vbel reden
Das alles die alten nit thetten
Dazu so ist es jetzt gemein
Das keiner kan vnd mag allein
Im haus bleiben bei weib vnd kinde
Er sucht wo er geselschafft finde
Damit so drabt er bald zum wein
Verdrinckt vnd verspilt das sein
Da drincke man zu halben vnd ganken
Vnd hebt auch an zu mumschanken
Vmb ein pfenning zwen drei
Es bleibet aber nit darbei
Man kompt dardurch zu grossem spit
Dabei wirt auch getriben vil
Gottes lesterung vnd grewlich schwe
Das es auch nit wunder weren (ren
Das Gote straffe also auff der see
Wann einer wer ders weren thee
Den hiez man einen lumoen man
Vnd sprech schaw lieber der der kan
Die kindt regieren vnd leren
Der Teuffel sol sich an im leren

Er

Die verfert

Er solt nicht bei den gesellen sein
Er zimpt wol in ein klösterlein
Man sagt auch etwan ganz fürwar
Er gehör zur widertaufer schar
Weil er nit weidlich lestert Gott
Vnd nit ein lang wehr ahn hat
Auch schlempet vnd tragt tag vnd nacht
Vnd gar nit in sein haus dracht
Iest weip vnd kind hunger leiden
Das solt die Oberhandt zu zeitten
Straffen/so stünde es vil bas
Das nicht geschicht das machet das
Sie sein selbs von dem selben gesind
Dazu so zihens ihre kind
Wann einer ist viersehen jar alt
So laufft man im von stunden balde
Ein hut mit federn wol besteckt
Dazu ein langes messer dregt
Das im stößt hinden auff die erde
Er wer noch ruten hawens werde
Solt auch nit wissen wie schmeckt der
So muß er all tag vol sein (wein
Wann man dann das also gewone
So wirt der eltern nit verschont
Man dregt in ab/heyßt nit gestolen
Das verkauft man heimlich on ver-
holen Gibt

Fisch Suche.

Gibt es darzu omb halbs geles
Wann es dann in dem hausz feles
So sagt man ganz vnd vnuerholen
Es hat es etwan die magt gestolen !
Da mit man dem ehaltten abschneide
Sein ehr/ auch etwan vrlaub geide
Mache also ein geschrei dem armen
Es möchte Gott im himmel erbarmen
Glaub mir fürwar was ich dir sag
Es ist ein rechter todtschlag
Weh dem der ein solchs thut
Fürwar es ist der seles nit gut
Wer aber bessers lernen wil
Der nem: in für zu lesen vil
In alten historein vnd geschichten
Die werden in vil anders berichten
Dann jekund ist der welt leben
Darumb jr jungen merck ee eben
Last euch geselschafft nit verführen
Auff das man doch an euch möge
spüren
Besserung/ die welt ist ganz verderbe
Von alten also auff vns geerbe
Gott gebe das es besser werde
Es ist kein Gottes forcht mer auff erd
Gott

Die verk. Tisch Zucht.

Gott erbarmts/darumb ein jeder bie
Das Gott vns wolle theilen mit
Sein genad vnd barmherzigkeit
Nach disem leben die ewig freud.

Getruckte zu Franckfurt
am Mayn / durch Nico-
laum Basse / vnd Sig-
mundt Feyrabendt/
im Jar
M. D. LXXIII.




Ab. 154204


ULB Halle

3

001 924 222







Spiegel der vn
fletigen zunfft / Inn die
form einer Tischzucht / verkerter welse /
gestelt / Jungen vnnnd Alten / sich
darin zu besehen / Vez widerumb
in Druck verfertigt.

Joachim Amide est possessor meus



Getruckt zu Franckfurt
am Mayn.
M. D. Lxi.

